

- 1^r An mynem seyl ich draffter yeüch
- 2^r Vil narren / affen / esel / geüch
- 3^r Die ich verfür betrüg vnd leych



Von buolschafft.

- 1 Frow Venus mit dem ströwen arß
- 2 Byn nit die mynnst jm narren fars
- 3 Jch züch zü mir der narren vil
- 4 Vnd mach eyn gouch vß wem ich wil

5 Myn kunden nyemans nennet all
 6 Wer hat gehört von Circes stall /
 7 Calypso / der Syrenen joch
 8 Der gdenck / was gwaltes ich hab noch
 9 Welcher meynt das er wytzig sy
 10 Den dunck ich dieff jnn narren bry /
 11 Wer eyn mol würt von mir verwundt
 12 Den macht keyn krütter krafft gesunt /
 13 Dar vmb hab ich eyn blynden sūn /
 14 Keyn būler sicht was er soll tūn
 15 Myn sūn eyn kyndt ist / nit eyn man
 16 Būler mit kyntheyt dünt vmbgan /
 17 Von jnn wirt selten dappfer wort
 18 Glich wie von eynem kynd gehört /
 19 Myn sūn stat nackt vnd bloß all tag
 20 Dann būlschafft nyeman bergen mag /
 21 Bōß lieb die flügt / nit lang sie stat
 22 Dar vmb myn sūn zwen flügel hat /
 23 Būlschafft ist lycht zū aller fryst
 24 Nüt vnstatters vff der erden ist /
 25 Cupido treit syn bogen bloß
 26 Vff yeder syt / eyn kocher groß /
 27 In eym / hat er vil hocken pfil
 28 Do mit trifft er der narren vil /
 29 Die sint scharpff / gülden / hockecht / spitz
 30 Wer troffen würt / der kumbt von witz /
 31 Vnd dantzt har noch am narren holtz /
 32 Im andern kōcher / vogelboltz
 33 Sint stumpff / mit bly beschwert / nit lücht
 34 Der erst macht wunt / der ander flücht

c2'

c ij

17 wirt GW5046 GW5047] wurt GW5041

35 Wān trifft Cupido / den entzyndt
 36 Amor syn brüder / das er bryndt
 37 Vnd mag nit leschen wol die flam
 38 Die Didoni jr leben nam
 39 Vnd macht das Medea verbrant
 40 Jr kynd / den brüder dot mit jr handt
 41 Tereus wer ouch keyn wydhopff nit /
 42 Pasyphae den stier vermitt /
 43 Phedra Theseo für nit nach
 44 Noch sücht an jrem styefsün schmach /
 45 Nessus wer nit geschossen dott /
 46 Troy wer nit kumen jn solch not /
 47 Scylla dem vatter ließ syn hor
 48 Hyacinthus wer keyn ritter spor /
 49 Leander nit syn schwymmen dāt
 50 Messalina wer jn küscheyt stāt
 51 Mars ouch nit jnn der ketten låg
 52 Procris der hecken sich verwåg
 53 Sapho nit von dem berg abfiel
 54 Syrān vmbkerten nit die kyel
 55 Circe ließ faren wol die schiff
 56 Cyclops vnd pann nit leidtlich pfiff
 57 Leucothoe nit wyhrouch gbār
 58 Myrrha wer nit Adonis schwår
 59 Byblis wer nit jrm brüder holt
 60 Danā entpfing nit durch das golt
 61 Nyctymine flüg nit vß by nacht /
 62 Echo nit wer ein stym gemacht /
 63 Tysbe ferbt nit die wissen bōr
 64 Athalanta keyn lōwyn wer

65 Des leuiten wib wer nit geschmäch
 66 Vnd drumb erschlagen eyn geschlecht
 67 Daud ließ wessen Bersabe
 68 Samson *vertrüwt* nit Dalide
 69 Die abgött Salmon nit anbät
 70 Amon wer an synr schwester stät
 71 Joseph würd nit verklagt vmb suß
 72 Als Bellerophon Hyppolitus
 73 Der wiß man als eyn roß nit gyng
 74 Am thurn Virgilius nit hyng
 75 Ouidius hett des keysers gunst
 76 Hett er nit gelert der büler kunst
 77 Es kām zū wißheyt mancher me
 78 Wann jm nit wer zūr bülschafft we
 79 Wer mit frowen hat vil credentz
 80 Dem wirt verbrennt syn conscienz
 81 Vnd mag gentzlich nit dienen gott
 82 Wer mit jnn vil zū schaffen hat
 83 Die bülschafft ist eym yeden stand
 84 Gantz spötlich / nãrrisch / vnd eyn schand
 85 Doch vil schãntlicher ist sie dann
 86 So bülen dünt alt wib vnd mann /
 87 Der ist eyn narr / der bülen will
 88 Vnd meynt doch halten maß vnd zyl /
 89 Dann das man wißheyt pfleg vnd bül
 90 Mag gantz nit ston jn eynem stül /
 91 Eyn büler wirt verblãntt so gar /
 92 Er meynt / es nãm nyemans syn war /
 93 Diß ist das krefftigst narren krutt
 94 Diß kappen klãbt lang an der hutt

c3r

c iij

68 *vertrüwt*] *vertruwt* *GW5041* *vetrüwt* *GW5046* **92** *nyemans* *GW5046* *GW5047*] *nyeman* *GW5041*